

遊城南記



遊城南記

提要

謹案遊城南記一卷宋張禮撰禮字茂中浙江人元祐元年與其友楚人陳微明遊長安城南訪唐代都邑舊址因作此記而自為之注凡門坊寺觀園圃村墟及前賢遺蹟見于載籍者敘錄甚備如嘉話錄載慈恩寺題名始于張莒禮則引唐登科記謂進士中有大

遊城南記

提要

中十三年及第之張台而無張莒又長安志載章敬寺本魚朝恩莊後為章敬皇后立寺故以為名禮則以宋代寺基與志所載地理不同而疑其已非故址皆能據所目見而考辨之其徵據頗為典核所列金石碑刻名目亦可與集古錄諸書互相參証每條下間有續注不知何人所增中有金代年號其薦福寺一條又有辛卯遷徙之語案辛卯為金哀



宗正大八年史載是年四月元兵克鳳翔兩  
行省棄京兆遷居民于河南所云遷徙當即  
此事蓋金末元初時人也

提要

遊城南記



宋 張禮 撰

元祐改元季春戊申徵明茂中同出京兆之東南門

張注曰唐皇城之安上門也至德二載改為先天門

尋復舊肅宗以祿山國讐惡聞其姓京兆坊里有安

字者率易之續注曰志總序云唐開元元年改雍

州為京兆府以京城為西京天祐元年昭宗東遷降

為佑國軍梁開平元年改府曰大安越二年改軍曰

遊城南記

永平後唐同光元年復為西京晉天福元年改軍曰

晉昌漢乾祐元年改軍曰永興其府名皆仍舊有宋

因之故其南北相值之街亦曰安上

歷興道務二坊

張注曰興道坊在安上門街之西景龍三年改瑤林

坊務本在安上門街之東興興道坊相對景龍二年

改玉樓坊景雲元年並復舊二坊之地今為京兆東

西門外之草市餘為民田

由務本西門入聖容院觀薦福寺塔

張注曰聖容<sup>院</sup>蓋唐薦福寺之院也今為二寺寺之浮圖今正謂之薦福寺塔尚存焉其寺文明元年立謂之大獻佛寺天授元年改薦福寺景龍中宮人率出錢起塔十五層續注曰貞佑乙亥歲塔之纏腰尚存辛卯遷徙廢蕩殆盡惟磚塔在焉

### 南行至永樂坊

張注曰即橫岡之第五爻也今謂之草場坡古塚存

### 遊城南記

馬隋宇文愷城大興以城中有六岡大東西橫亘象乾之六爻故于九二置宮室以當帝王之居九三置百司以應君子之教九五貴位不欲常人居之故置立都觀大興善寺以鎮之立都觀在崇業坊大興善寺在靖善坊其岡與永樂坊東西相直長安志云坊東有裴度宅度欲入朝有張權輿上疏云度名應圖識宅據岡原蓋嘗有人與度作讖云非衣小兒坦其腹天上有口被驅逐言度曾討淮西平吳元濟宅據

岡原與興善玄都相連故也

東南至慈恩寺少遲登塔觀唐人留題

張注曰寺本隋無漏寺貞觀二十一年高宗在春宮  
為文德皇后立為慈恩寺永徽三年沙門玄奘起塔  
初惟三層磚表土心效西域窣堵坡即袁宏漢記所  
謂浮圖祠也長安中推倒天后及王公施錢重加營  
建至十層其云鴈塔者天竺記達觀國有迦葉佛伽  
藍穿石山作塔五層最下一層作鴈形謂之鴈塔蓋

遊城南記

三

此意也嘉話錄謂張莒及進士第閒行慈恩寺因書  
同年姓名于塔壁後以為故事按唐登科記有張台  
無張莒台于大中十三年崔鉶下及第馮氏引之以  
為自台始若以為張莒則台詩已有題名之說焉塔  
自兵火之餘止存七層長興中西京留守安重霸再  
修之判官王仁裕為之記長安士庶每歲春特遊者  
道路相屬熙寧中富民康生遺火經宵不滅而遊人  
自此衰矣塔既經焚塗圻皆剝而磚始露焉唐人墨

跡于是畢見今孟郊舒元興之類尚存至其它不聞  
于後世者蓋不可勝數也 續注曰正大遷徙寺宇  
廢毀殆盡惟一塔儼然之塔之東西兩龕唐褚遂良所書  
聖教序及唐人題名記碑刻存焉西南一里許有西  
平郡王李公晟先廟碑工部侍郎張彧撰司業韓秀  
弼八書分字畫歷歷可讀

倚塔下瞰曲江宮殿樂遊燕喜之地皆為野草不覺有  
黍離麥秀之感

### 遊城南記

張注曰江以水流屈曲故謂之曲江其深處下不見底  
司馬相如賦曰臨曲之隄洲蓋其地也劇談曰曲江  
本秦隄洲唐開元中疏鑿為勝景江故有泉俗  
謂之漢武泉又引黃渠之水以漲之泉在江之西旱  
而禱雨有應今為瀆江農家堙塞然春秋積雨池中  
猶有水焉黃渠水出義谷北上少陵原西北流經三  
像寺鮑陂之東北今有亭子頭故渠亭子也北流入  
鮑陂鮑陂隋改曰杜陂以其近杜陵也自鮑陂西

北流穿蓬萊山注之曲江由西北岸直西流經慈恩寺而西歐陽詹曲江記其略曰茲地循原北峙迴岡旁轉圓環四匝中成坎窩穿窳港洞生泉翕源東西三里而遙南北三里而近崇山濬川鈎結盤護不南不北湛然中停蕩惡舍和厚生蠲疾涵虛抱景氣象澄鮮滌慮延歡棲神育靈觀此可得其槩矣唐進士新及第者往往汎舟遊宴於此文宗時曲江宮殿廢十之九帝因誦杜甫哀江頭之詩慨然有意復昇平

遊城南記

五

故事太和九年發左右神策軍三千人疏濬修紫雲樓彩霞亭仍勅諸司有力建亭館者給<sup>官</sup>閒地任營造焉今遺址尚多存者江水雖涸故道可因若自甫張村引黃渠水經鮑陂以注曲江則江景可復其舊不然疏其已塞之泉潴瀦歲月亦可觀矣樂遊原亦曰<sup>田</sup>園在曲江之北即秦宜春苑也漢宣帝起樂遊廟因以為名在唐京城內每歲晦日上巳重九士女咸登賞袂禊樂遊之南曲江之北新昌坊有青龍寺北



北枕高原前對南山為登眺之絕勝賈島所謂行坐見南山是也

出寺涉黃渠上杏園望芙蓉園西行過杜社祁公廟

張注曰杏園與慈恩寺南北相直唐新進士多遊宴于此芙蓉園在曲江之西南隋離宮也與杏園皆秦宜春下苑之地園内有池謂之芙蓉池唐之南苑也杜祁公家廟咸通八年建石室尚在存俗曰杜相公讀書堂其石室白藏書龕續注曰石室奉安神主

遊城南記

之室也

出啟夏門覽南郊百神靈星三壇

張注曰啟夏門唐皇城之南門也北當皇城之安上門少西蓋京城之南凡三門中曰明德門今謂之五門西曰安化門今謂之三門此其東門也三壇在門外西南二里百神靈星三壇頗毀而圓丘特完南一里有蓮花村未詳其所以名也續注曰少西北有唐贈戶部尚書楊貞公瑒廟碑晉公李林甫撰王曾

書王敬從題額次東南有唐相國令狐氏廟碑太和三年錫禹錫撰并書陳錫篆額楊氏苗裔太和間尚盛人呼為廟坡楊辛卯遷移後無聞焉

### 次杜光村

張注曰杜光村有義善寺俗謂之杜光寺貞觀十九年建蓋杜順禪師所生之地順解華嚴經著法界觀居華嚴寺證圓寂今肉身在華嚴寺

### 東南歷仇家莊

### 遊城南記

張注曰莊即唐宦官仇士良別業也士良死籍沒其家後晉賜晉昌軍節度使安彥威安氏子孫世守之士良墓碑俱存其南為郭子儀墓西南長孫無忌之墓碑皆斷仆續注曰撫定後府南趙牛里皓陽觀主李可貞喬志朴相過語觀西北有二大碑云是郭氏墓碑他日往觀其一壽州刺史郭敬之神道碑敬之字敬之子儀父也以子貴贈太保徐國公碑額御題韓公苗晉卿撰序蕭華書其一郭氏所尚

昇平公主墓碑書撰姓名失傳

過高望西南行至蕭灌墓讀碑

張注曰灌高之父也碑乃明皇題額張說為文梁升  
卿書嵩墓別葬張曲

由趙村訪章敬寺基經撥川王論弓仁墓

張注曰五代周太子太師致仕皇甫玄莊在趙村建  
隆二年置墓在村東碑在其莊內章敬寺長安志曰  
在通化門外本魚朝恩莊也後為章敬皇后立寺故

遊城南記

以為名殿宇總四千一百三十間分四十八院以曲  
江亭館華清宮觀風樓百司行廨及將相沒官宅舍  
給其用今此基不甚侈且與志所載地里不同豈四  
十八院之一耶論弓仁者吐蕃普贊之族也世相普  
贊戎言謂宰相為論因以為氏聖歷三年以所統吐  
渾七千帳降唐累有戰功死贈撥川王葬趙村張說  
為碑今已毀仆字無存者獨其題額在焉  
下勳蔭坡入牛頭寺登長老文公禪堂夜宿寺之南軒

張注曰勲蔭坡今牛頭寺之坡也寺即牛頭山第一  
祖遍照禪師之居也貞元十一年建內有徐士龍所  
撰碑太平興國中改寺曰福昌元豐癸亥長安道文  
自南方來居于寺之北堂其堂軒為延客之所今有  
朱公揆題壁

已酉謁龍堂循清明渠而西至皇子陂徘徊久之

張注龍堂在牛頭寺之西寺故有龍泉塔院此堂即  
其地也泉北有塔俗稱龍堂坡地甚平行中多植

遊城南記

九

杏謂之杏花坪見杜詡勝遊錄清平渠隋開皇初引  
沈水西北源屈而東流入城當大安坊南街又東流  
至安樂坊入京城今其渠自朱坡東南分沈水穿杜  
牧之九曲池循陂而西經牛頭寺下穿韓符莊西過  
韋曲至渠北村西北流入京城皇子陂又在龍堂之  
西秦葬皇子于陂底起塚于陂北原上因以名陂隋  
文帝改永安坡唐復舊

覽韓鄭郊居至韋曲扣堯夫門上逍遙公讀書臺尋所

謂何將軍山林而不可見因思唐人之居城南者往往  
舊蹟湮沒無所考求豈勝遺恨哉

張注曰韓店即韓昌黎城南雜題及送子符讀書之  
地今為里人楊氏所有鑿洞架閣引泉為池穿地得  
大鳴起信論碑之上篇鄭谷莊在陂之西今為里人  
李氏所有韋曲在韓鄭莊之北堯夫進士韋師錫之  
字也世為韋曲人遠祖復後周時居此蕭然自適與  
族人處立及安定梁曠為放逸之友時人慕其閒素

遊城南記

十

號為逍遙公明帝貽之詩曰香動秋蘭佩風飄蓮葉  
衣北史有傳今其讀書臺尚存韋嗣立逍遙谷則在  
驪山西南蓋亦慕復而名之也杜甫何將軍山林詩  
有不識南塘路今知第五橋又曰憶過楊柳渚走馮  
定昆池今第五橋在韋曲之西與沈家相近昆定池  
在韋曲之北楊柳渚今不可考南塘按許渾詩曰背  
嶺枕南塘其亦在韋曲之左右乎賞讀唐人詩集  
岑嘉州有杜陵別業終南別業而石鼈谷高冠谷皆

有其居即士元有吳村別業段覺有杜村間居元微  
之亦有終南別業蕭氏有蘭陵里梁升卿有安定莊  
今皆湮沒漫不可尋蓋不特何將山<sup>澤</sup>林而已

晚抵申店李氏園亭夜宿祁子虛書舍

張注曰申店夾滴水之兩溪李氏名之邵字公材嘗  
為進士祁子虛名徹李舍壻人也園之東有閣曰祕  
春北有小軒曰明月

庚戌子<sup>虛</sup>邀飲韋氏會景堂及門主人出迂明微以為不

遊城南記

足子虛道其景且誦其詩明微聞之始入其奧

張注韋氏名宗禮字中伯世為下杜人蓋唐相之裔  
家失其譜不知為何房城南諸韋聚處韋曲宜其  
屬系易知然或東眷或西眷或逍遙公或鄭公或南  
陂公或龍門公不知其實何房也中伯博學好古葺  
治園亭奇花異卉中莫不有日與賓客宴遊朝奉郎  
白序題其堂曰會景中伯園中有對金竹其狀與對  
青相似長安有此竹者惟處士蘇李明張思道與中

伯三家而已

復相率濟滴水陟神禾原西望香積寺塔原下有樊川御宿之水交流謂之交水西合于灃北入于渭

張注曰長安志曰滴水今名泥水一作坑水自南山流至皇子陂今滴水不至皇子陂由瓜洲村附神禾塹上穿申店而原愈高鑿原而通深至八十九尺俗謂之坑河是也瓜洲村之東北原上滴水北岸尚上有川流故道西北過張王村之東又西北經內家橋

遊城南記

十三

又西北經下杜城過沈家橋杜城之西有丈八溝即杜子美陪諸公子納涼遇雨之地滴水上原西北流而合御宿川水是名交水在香積寺之西南香積寺唐永隆二年建中多石象塔碑中裂院中荒涼人鮮遊者下

下原坊劉希古過瓜洲村

張注曰劉希古名舜才為進士不第退居申店滴水之陰瓜洲村俗以為牧之種瓜之地予讀許渾集有

和淮南相公遊重瓜村別業詩淮南相公杜佑也佑  
三子師損式方從郁牧之從郁子也由此考之在佑  
已有瓜洲別業則非牧之種瓜地明矣今村南原上  
有瓜洲墓豈始有瓜州人居此而名之耶亦猶長安  
縣有高麗曲因高麗人居之而名也

復涉滴水遊范公五居

張注曰范公莊本岐國杜公佑郊居也門人權德輿  
為之記纂叙幽勝極其形容舊史稱佑城南樊川

遊城南記

十三

有桂林亭卉木幽邃佑日與公卿燕集其間元和七  
年佑以太保致仕居此或方傳又云杜城有別墅亭  
館林池為城南之最牧之之賦亦曰予之思歸兮走  
杜陵之西道巖曲泉深地平木老隴雲秦樹風高霜  
早周臺漢園斜陽叢草其地有九曲池池西有玉鈎  
亭許渾詩所謂九曲池西望月來池蹟尚存亭則不  
可考也又其地有七葉樹每朵七葉因以為名羅隱  
詩所謂夏窻七葉連簷暗是也以是求之其可景知



矣此莊向為杜氏所有後歸尚書郎胡拱辰熙寧中  
侍御史范巽之買得莊故俗改名為御史莊中有溪  
柳崑臨江閣圃堂林餘故又謂之五居

東上朱坡憇華巖寺下瞰終南之勝霧巖玉案圭峰紫  
閣架在目前不待足履而盡也

張注曰朱坡在御史莊東華巖寺西牧之朱坡三絕句  
極言其景華巖寺貞觀中建寺之北原下瞰終南可  
盡其勝岑參詩所謂寺南幾千峰峰翠青可掬是也

遊城南記

十四

終南一名太乙一名地肺關中記白終南太乙左右  
三百里內為福地柳宗元碑云據天之中在都之南  
西至于褒斜又西至于隴首以臨于戎南至于商顏  
又東至于太華以距于關秦末四皓隱于其間後因  
立廟唐文宗詔建終南山祠冊為唐惠公主峰紫閣  
在祠之西圭下峰有草堂寺唐僧宗密所居因號圭  
峯禪師紫閣之陰即漢陂杜甫詩曰紫閣峰陰入漢  
陂是也太乙在祠之東霧巖玉案附麗而列二峰之

間有冰井經暑不消長安歲不藏冰夏則取水于此  
紫閣之東有高觀峪峯參作高冠蔣之奇作高官未  
知孰是

已而紫虛希古開樽三門寺僧子齊出詩凡數百篇皆  
詠寺焉予賞蘇子美詩明微吟唐僧子蘭詩疎鍾搖雨  
脚積雨浸雲容之句及讀相國陳公悔把吾廬寄杜城  
之言則又知華嚴之為勝也酒闌過東閣閣以華嚴有  
所蔽而登覽勝之真如塔在焉謂之東閣以西有華嚴  
遊城南記

十五

寺故也今為草堂別院

張注曰長安志曰真如塔在華嚴寺今其塔在東閣  
法堂之北壁間二石記皆唐刻也具載華嚴寺始末  
則華岩東閣本一寺也不知其後何以類草堂焉  
下閣至澄襟院院引北巖泉水架竹落庭注石盆中瑩  
徹可挹使人不覺頓忘俗意時子虛希古先歸院之東  
元醫之居也予與明微宿焉

張注曰澄襟院唐左術僧錄遍覺大師智慧之塔院

也碑云起塔于萬年縣神禾鄉孫村今屬鴻固鄉元  
醫世為樊川人其居北倚高坡泉聲泠泠竹陰相接  
圃中植花穴洞岩間架閣池上茂林修竹與之隱映  
真有幽勝之趣 續注曰澄襟院水久涸今為長老  
濱巨源衣鉢院莊則金興定辛巳間尚為元氏之居  
遷徙後遂無聞焉近代李構即莊建閣鑿洞立三清  
像遂呼為三清閣兵後高竇老奉披雲真人為十方  
院門人樊志高盡有元莊典型雖在盛事則廢

遊城南記

十六

辛亥歷廢延興寺過夏候村王白二莊林泉

張注曰延興寺在楊萬坡斷碑遺址瓦礫遍地興廢  
之由無可考今為里人劉氏所有竹木森蔚泉流清  
淺景勝元醫之居俱不葺治月駙馬都尉王銑林泉在  
延興寺之東與朝奉郎白序為鄰王氏林泉久不治  
白字聖均莊有揮金堂順年堂疑夢室醉吟菴翠屏  
閣寒泉亭辛夷亭桂嵩亭今為王員外家所有

東次杜曲前瞻杜固盤桓移時

張注曰唐史稱杜正倫與城南諸杜素遠求通譜不  
許銜之世傳杜固有王氣諸杜居之衣冠世美及正  
倫執政建言鑿杜固通水以利人既鑿川流如血閱  
十日方止自是南杜稍不顯居杜固者謂之南杜以  
北有杜曲故也杜固今謂之杜陂所鑿之處崖塹南  
存俗曰馬壩厓或曰鳳皇嘴不知何謂也杜氏世葬  
少陵原司馬村之西南杜甫嘗稱杜曲諸生少陵野  
老正謂杜少曲陵相近故也甫為晉征南將軍預之

### 遊城南記

十七

後預玄孫某隨宋武帝南遷遂為襄陽人甫曾祖某  
為鞏令又徙河南宋孫洙為甫傳以牧之為甫族孫  
蓋同出于預是甫乃城南諸杜之裔耳然唐宰相世  
系不載不知何故俟再考之

越姜保至興教寺上玉峰軒南望龍池廢寺

張注曰興教寺總章二年建有三藏玄奘慈恩西明  
三塔寺倚北岡南對玉案峰元豐中知北京龍圖李  
公登眺于斯命僧創軒是名玉軒擢萬年令陳正舉

為之記龍池寺直玉案山之北 續注曰興教寺開  
成四年沙門令總載修三藏塔銘屯田郎中兼侍御  
史劉軻撰慈恩塔銘太子左庶子御史中丞李弘度  
撰西明塔銘貢士宋復撰三藏塔真中差大右慈恩  
左西明差小殿寺宇法制精密莊嚴

過塔院抵韋趙覽牛相公樊鄉郊居

張注曰塔院者京兆開元寺福昌塔之莊也俗謂之  
塔院修竹喬林森結叅天池臺廢基頗多不知在唐

遊城南記

十八

為誰氏業俗傳國初狂人李某居之某誅沒官後福  
昌塔成賜之為常住韋趙村有牛相僧孺郊居子孫  
尚有存者僧孺八世祖某隋封奇章公長安城南下  
杜樊鄉有賜田數頃書千卷僧孺居依之以為學後  
為相與李德裕相惡門生故吏各相為黨先是泓涉  
相德裕宅為玉碗僧孺宅為金杯且云金毀可作他  
器玉毀不復用矣其言果驗然唐史傳方技者不載  
其事其亦闕文矣乎

迺登少陵原西過司馬村穿三像院尋舊路暮歸孫君  
中復之廬

張注曰長安志云少陵原南接終南山北直澧水本  
為鳳棲原漢許后葬少陵在司馬村之東因即其地  
呼少陵原杜牧之自志云葬少陵司馬村柳宗元志  
伯妣墓曰葬萬年之少陵原實鳳棲原也原脉起自  
南山屈曲西北岡阜相連纍纍不斷凡五十里然則  
鳳棲少陵其實一本因地異名耳漢總謂之洪固原

遊城南記

十九

今萬年縣有洪固鄉司馬村今在長安城之東南少  
陵在村之東北則澧在水東非在北矣少陵東接豐  
梁原或作鳳梁原澧水出焉東北對白鹿原荆谷水  
出焉二水合流入渭杜甫詩所謂登高素澧原是也  
少陵之東岡下即澧水之西岸其地有泉舊傳有犢  
跑鳴而泉出今謂之鳴犢鎮三像寺開元中建背倚  
北原高數百尺始寺依原刻三大佛故名又云開元  
末為武惠妃建武氏墓在鳳棲原長興坊與寺亦相

近中復田家子今為進士

士子渡瀟水而南上原觀乾湫憇塗山寺望翠百微塔  
子虛約遊五臺而與僕夫負行李者相失遂飲于御宿  
川之王渠醉還申店幾夜半矣

張注白乾湫在神木原皇甫村之東舊傳有龍移去  
南山炭谷原之湫水遂涸故謂之乾湫炭谷之水遂  
著靈異歷代崇<sup>為</sup>太乙湫或曰炭谷本太乙谷土人語  
急連呼之耳 續注曰塗山寺在皇甫村神木原之

遊城南記

十

東南舊傳皇甫村有三社曰鸞駕坪鳳凰臺及廢樓  
真觀翠微寺在終南山上本太和宮武德八年建貞  
觀十年廢廿年太宗厭禁內煩熱命將作大匠閻立  
本再葺改為翠華宮元和元年廢為微翠寺杜甫詩  
曰雲薄翠微寺則元和之前固已謂之寺矣百塔在  
梗梓谷口唐信行禪師塔院今謂之興教院唐裴行  
儉妻庫狄氏嘗讀信行集錄及沒遷窆于終南山  
鵝號堆信行塔之後由是異信行者往往歸葬于此

今小塔累累相比因謂之百塔東為石鼈谷廣惠神  
祠在焉西為豹林谷神放隱居之地放居今為女冠  
所有蘓李明松門亦在其西而董村者翠微寺下院  
也又在其西自董村西行幾十里曰豐德寺豐德長  
老所居今其寺猶有僧焉南五臺者曰觀音曰靈應  
曰文殊曰普賢曰觀身皆山峰卓立故名五臺圓光  
寺王建集為靈應臺寺陸長辨源疑志為慧光寺韓偓  
集為神光寺今謂之圓光寺五臺之北有留村數寺

遊城南記

三

皆下院也御宿川接楊雄傳曰武帝開上林南苑至  
宜春鼎湖昆吾傍南山而西至長楊五柞北繞黃山  
瀕渭而東觀則止宿其中改曰御宿大抵樊川御宿  
皆上林苑地也

癸丑詣張思道循原而東詣蓮花洞經相裴舊居越幽  
州莊上道安洞抵炭谷既行小雨而還復尋會景堂清

談終日

張注曰思道唐學士鷹之後居滴水之陰好讀書善



屬文雅麗有祖風自思道之居東行五六里直樊川  
之上倚神禾原有洞曰蓮花舊為村人鄭氏之業鄭  
氏遠祖乾曜尚明皇之女臨晉公主杜甫詩有宴鄭  
駙馬洞中云主家陰洞細烟霧宜即此地也自洞東  
行三四<sup>里</sup>為唐裴相國郊居林泉之勝亦樊川之亞今  
為鄱陽沈思之居又南行三里至幽州莊李氏林亭  
李氏燕人也故幽州名泉竹之盛過沈莊矣南行四  
里至道安洞今為尼院院中起小塔西倚高崖東眺

### 遊城南記

三

樊南之景舉目可盡又南行七八里至炭谷自谷口  
穿雲渡躡亂石冒懸崖行十餘里數峰聳削蹬道之  
半有司馬溫公額書二十八字曰登山有道徐行則  
不困擇平穩之地而置足則不跌人莫不知之鮮能  
慎谷前太乙觀有希夷先生所撰碑觀南為故處士  
雷簡夫隱居之地

甲寅北歸及內家橋子虛別焉予與明微自翠臺莊由  
天門街上畢原西望三會寺定昆池迤邐入明德門

張注曰內家橋今名也或曰雷家或曰能家皆姓也  
橋之又西有沈家橋第五橋亦有姓名羅隱城南襍  
感詩有賴家橋上瀟河邊之句似當以能為是翠臺  
莊不知其所以莊之前有南北大路俗曰天門界北  
直京城之明德門皇城之朱雀門宮城之承天門則  
界當為街俗呼之訛耳許渾有天門街望之詩可據  
天門街當畢原之中長安志曰少陵原西入長安縣  
界五里蓋畢原也志誤以為少陵西望三會寺寺邊

遊城南記

三

有大塚世傳為周穆王陵北有池舊與昆明池相通  
唐為放生池有臺俗曰迦葉佛說法臺而傳記以為  
造臺造書臺景龍中中宗幸三會寺與羣臣賦詩上  
官婕妤謂所釋子談經處軒臣刻字留是也定昆池  
安樂公主之西莊也在京之延平門外景龍初命司  
農卿趙履溫將作少監楊務廉為園鑿沼延十數里  
時號定昆中宗臨幸與羣臣賦詩

歷延祚先行道德永達四坊之地至崇業坊覽立都觀

之道跡過岡論唐昌觀故事

張注曰唐昌觀又曰唐興觀在安業坊玄都觀北中有玉藥花元和有仙子來觀嚴休父元稹輩俱有倡和

既而北行數里入含光門而歸焉實閏月十六也

張注曰城南之景有聞其名而失其地者有具其名得其<sup>地</sup>而不知其所以者有見于近世而未著于前代者若牛頭寺碑陰記永清公主莊長安志載沙城鎮

遊城南記

十四

薛據南山別業羅隱襟感詩有景星觀姚家園葉家林聞其名而失其地者也翠臺莊高望樓公主浮圖溫國塔朱坡具其名得其地而不得其所以者也楊舍人莊唯釋院神禾少陵西原三清觀塗山寺陳氏昆仲報德廬劉翔集之濛溪劉子哀之樊谿五臺僧墳院見于近世而未著于前代者故皆畧之以俟再考至于名蹟可據而暴于人之耳目者皆得以詳書焉

遊城南記

遊城南記



二五